

**ЎЗБЕКИСТОН RESPUBLIKASI
VAZIRLAR MAHKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 6 » сентябрь 20 19 г.

№ 741

Toshkent sh.

Аҳолига ҳуқуқий ахборотни етказиш ва юридик ёрдам кўрсатиш тизимини янада такомиллаштириш чора-тадбирлари тўғрисида

Аҳолининг ҳуқуқий онги ва ҳуқуқий маданиятини юксалтиришга доир ишлар самарадорлигини янада ошириш, жамиятда фуқароларнинг ҳуқуқий саводхонлик даражасини ошириш, аҳолига бепул юридик ёрдам кўрсатиш тизимини янада такомиллаштириш мақсадида Вазирлар Маҳкамаси қарор қилади:

1. Ўзбекистон Республикаси Адлия вазирлиги томонидан “Advice.uz” (e-maslahat.uz) ҳуқуқий ахборот портали ишга туширилганлиги, мазкур портал орқали Ўзбекистон Республикаси фуқаролари, чет эл фуқаролари ва фуқаролиги бўлмаган шахслар (кейинги ўринларда фуқаролар деб аталади) онлайн режимда бепул ҳуқуқий маслаҳат олишлари учун имконият яратилганлиги маълумот учун қабул қилисин.

2. Ўзбекистон Республикаси Адлия вазирлиги ва “Юксалиш” умуммиллий ҳаракатининг қуйидаги таклифларига розилик берилсин:

а) “Мадад” – муассаса шаклидаги нодавлат ноtijорат ташкилоти (кейинги ўринларда Муассаса деб аталади) ҳамда унинг Қорақалпоғистон Республикаси, вилоятлар ва Тошкент шаҳар ҳудудий бўлинмаларини (кейинги ўринларда ҳудудий бўлинмалар деб аталади), шунингдек, туман (шаҳар)ларда уларнинг ҳуқуқий маслаҳат бюроларини (кейинги ўринларда ҳуқуқий маслаҳат бюрolari деб аталади) ташкил этиш;

б) Қуйидагиларни Муассасанинг асосий вазифалари сифатида белгилаш:
фуқароларга ҳуқуқий масалалар бўйича шу жумладан, онлайн маслаҳатлар ва тушунтиришлар бериш йўли билан бирламчи бепул юридик ёрдам кўрсатиш;

фуқароларнинг ҳуқуқий билимларини ажтимоий-сиёсий ўзгаришлар билан уйғун равишда ошириб борниш ишларига кўнгиллиларини сафарбар этиш;

фуқаролар томонидан ҳуқуқий маслаҳат беришга оид сўровларни таҳлил қилиб бориш, таҳлил натижасига кўра ҳуқуқни қўллаш амалиёти ва амалдаги қонунчиликни такомиллаштириш юзасидан таклифлар ишлаб чиқиш;

аҳолининг ҳуқуқий онги ва ҳуқуқий маданиятини юксалтиришда инновацион усулларни, хорижий давлатларнинг бу борадаги ижобий тажрибаларини татбиқ этиш;

“Advice.uz” (e-maslahat.uz) ҳуқуқий ахборот порталининг мунтазам равишда юритилиши ва янгилаб борилишини таъминлаш.

3. Белгилансинки, Муассаса ва унинг ҳудудий бўлиналари фаолиятини молиялаштириш:

давлат ижтимоий буюртмаси доирасида Ўзбекистон Республикаси Адлия вазирлиги, бошқа давлат органлари ва ташкилотларининг шартнома асосида Муассасага тўғридан-тўғри ажратиладиган бюджетдан ташқари маблағлари;

юридик ва жисмоний шахсларнинг ҳомийлик хайриялари;

халқаро молия институтлари ва хорижий ҳукумат молия ташкилотларининг молиявий маблағлари;

конунчиликда тақиқланмаган бошқа манбалар ҳисобидан молиялаштирилади.

4. Муассасанинг марказий аппарати Тошкент шаҳар, Сайилгоҳ кўчаси 5-уйда, ҳудудий бўлинмалари ва ҳуқуқий маслаҳат бюрolari заруратга кўра, тегишли ҳудудий адлия органлари ёки туман (шаҳар) Давлат хизматлари марказлари биноларига ижара тўловининг “ноль” ставкаси асосида жойлаштирилсин.

5. Муассасанинг марказий аппарати, ҳудудий бўлинмалари ва ҳуқуқий маслаҳат бюрolarининг компьютер техникаси ва бошқа зарур жиҳозлар билан таъминлаш, улар жойлашган биноларни сақлаш (коммунал хизматлар, жорий таъмирлаш ва бошқалар) билан боғлиқ харажатлар адлия органларининг бюджетдан ташқари маблағлари ва бошқа манбалар ҳисобидан молиялаштирилади.

6. Ўзбекистон Миллий телерадиокомпаниясига Адлия вазирлиги билан биргаликда “Advice.uz” (e-maslahat.uz) ҳуқуқий ахборот портали ҳамда “Мадад” – муассаса шаклидаги нодавлат ноижорат ташкилотининг бепул ҳуқуқий маслаҳат бериш фаолиятини оммавий ахборот воситаларинда кенг ёритиш тавсия этилсин.

7. Ўзбекистон Республикаси Адлия вазирлигининг “Адолат” ҳуқуқий ахборот маркази” ва “Адлия органлари ва муассасаларида ахборот-коммуникация технологияларини ривожлантириш маркази” давлат унитар корхоналарини давлат муассасалари шаклида қайта ташкил этиш тўғрисидаги таклифи маъқуллансин.

8. Қуйидагилар:

“Адолат” ҳуқуқий ахборот маркази” давлат муассасасининг бошқарув ходимлари чекланган сони 41 нафардан иборат бўлган тузилмаси 1-нловага мувофиқ;

“Адлия органлари ва муассасаларида ахборот-коммуникация технологияларини ривожлантириш маркази” давлат муассасасининг бошқарув ходимлари чекланган сони 46 нафардан иборат бўлган тузилмаси 2-иловага мувофиқ тасдиқлансин.

9. Қуйидагилар:

а) “Адолат” ҳуқуқий ахборот маркази” давлат муассасасининг вазифалари этиб белгилансин:

қонун ҳужжатлари маълумотлари миллий базасини юритиш, шунингдек, қонун ҳужжатларининг Миллий базада расмий нашр этилишини таъминлаш;

норматив-ҳуқуқий ҳужжатларни ва тегишли ахборот-таҳлилий материалларнинг Ўзбекистон Республикаси Вазирлар Маҳкамаси томонидан белгиланадиган рўйхат бўйича барча давлат органлари ва ташкилотларига электрон шаклда етказилишини таъминлаш;

юридик ва жисмоний шахсларнинг Қонун ҳужжатлари маълумотлари миллий базасидан белгиланган тартибда фойдаланилишини таъминлаш;

Қонун ҳужжатлари маълумотлари миллий базасини такомиллаштириш юзасидан таклифлар ишлаб чиқиш и уларни амалга ошириш;

аутсорсинг шартларида юридик адабиётлар ва расмий нашрларнинг расман чоп этилишини таъминлаш;

б) “Адлия органлари ва муассасаларида ахборот-коммуникация технологияларини ривожлантириш маркази” давлат муассасасининг асосий вазифалари этиб белгилансин:

Ўзбекистон Республикаси Қонун ҳужжатлари маълумотлари миллий базаси, “Нотариус” автоматлаштирилган тизими, “Advice.uz” (e-maslahat.uz) ҳуқуқий ахборот портали ва вазирлик томонидан яратилган бошқа ахборот тизимлари фаолиятини кузатиб бориш, серверларга, телекоммуникация тармоқларига техник хизмат кўрсатиш ҳамда ахборот хавфсизлигини таъминлаш;

Ўзбекистон Республикаси Адлия вазирлиги тизимида “Электрон ҳуқумат” ахборот тизимлари доирасидаги лойиҳаларни амалга ошириш;

адлия органлари ва муассасаларининг барча тузилмалари фаолиятининг самарадорлигини оширишга йўналтирилган замонавий ахборот-коммуникация технологияларини кенг жорий этиш;

адлия органлари ва муассасаларида ахборотлаштириш соҳасида таҳлиллар ўтказиш ва таклифлар ишлаб чиқиш.

10. Белгилансинки:

а) 2019 йил 10 сентябрдан бошлаб “Адолат” ҳуқуқий ахборот маркази” давлат муассасаси томонидан “Ўзбекистон Республикаси қонун ҳужжатлари тўплами”, “Ўзбекистон Республикасининг халқаро шартномалар тўплами” (кейинги ўринларда расмий нашрлар деб аталади) аутсорсинг асосида нашр этилади;

б) “Адолат” ҳуқуқий ахборот маркази” ва “Адлия органлари ва муассасаларида ахборот-коммуникация технологияларини ривожлантириш маркази” давлат муассасаларига Ўзбекистон Республикаси адлия вазири томоидан лавозимга тайинладиган ва лавозимдан озод қилинадиган директорлар раҳбарлик қилади;

в) давлат муассасаларининг бошқарув ходимларига аввалги иш жойида узоқ йиллик хизмати учун берилган устама ва кўшимча тўловлар, махсус ва даражали унвонлар сақлаб қолинади;

г) қуйидагилар “Адолат” ҳуқуқий ахборот маркази” ва “Адлия органлари ва муассасаларида ахборот-коммуникация технологияларини ривожлантириш маркази” давлат муассасалари фаолиятини молиялаштириш манбалари ҳисобланади:

Адлия органлари ва муассасаларини ривожлантириш бюджетдан ташқари жамғармаси, шунингдек адлия органлари ва муассасаларининг бошқа бюджетдан ташқари маблағлари;

халқаро институтлар ва ташкилотлар, юридик ва жисмоний шахсларнинг грантлари ва ҳомийлик хайриялари;

қонун ҳужжатларида тақиқланмаган бошқа манбалар.

11. Ўзбекистон Республикаси Адлия вазирлиги:

2020 йил 1 июлга қадар Ўзбекистон Республикаси Қонун ҳужжатлари маълумотлари миллий базасини модернизация қилсин, жумладан, бунда “ақлли” нзлаш функцияси назарда тутилсин;

расмий нашрларни чоп этиш ва реализация қилиш жараёнида уларнинг таннархнини арзонлаштириш чораларини кўрсин;

икки ой муддатда “Адолат” ҳуқуқий ахборот маркази” ва “Адлия органлари ва муассасаларида ахборот-коммуникация технологияларини ривожлантириш маркази” давлат муассасаларининг уставларини тасдиқласин.

12. Ўзбекистон Республикаси Адлия вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштиради.

13. Мазкур қарорнинг бажарилишини назорат қилиш Ўзбекистон Республикаси адлия вазири Р.К. Давлетов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2019 йил 6 сентябрдаги 74 I-сон қарорига
1-илова

“Адолат” ҳуқуқий ахборот маркази давлат муассасасининг ТУЗИЛМАСИ




Бошқарув ходимлари — 41 нафар.

Техник ва хизмат кўрсатувчи ходимлар сони белгиланган нормативларга мувофиқ аниқланади.

Мазкур тузилмага Ўзбекистон Республикаси адлия вазирлиги томонидан бошқарув ходимларининг чекланган сони доирасида ўзгартиришлар киритилиши мумкин.

**“Адлия органлари ва муассасаларида ахборот-коммуникация технологияларини
ривожлантириш маркази” давлат муассасасининг
ТУЗИЛМАСИ**



Бошқарув ходимлари – 46 нафар.

Техник ва хизмат кўрсатувчи ходимлар сони белгиланган нормативларга мувофиқ аниқланади.

Мазкур тузилмага Ўзбекистон Республикаси адлия вазири томонидан бошқарув ходимларининг чекланган сони доирасида ўзгартиришлар киритилиши мумкин.

